

Sierninger Tanzherrn Rud

Rudenkirtag Sierning Faschingdienstag 25.2.2020



<p>Nach dö Wahl'n habms sondiert, war net g'wiss - ob's was wird. Jetzt regiert Türkis mit Grean, des wird sicher lusti wearn. Fia D`Regierung – ak'rat, Hät' ma glei' en Rat parat: Singt's am Kirta' mitanand', dann habt's etla' Joahr Bestand!</p>	<p>Kemma tuat des Mensch aus Schweden Weltweit nervt sie jetzt an jeden. Lange Zöpf, a blasses G'sicht. jeden Tag a neiche G'schicht, d'Schulpflicht tuats – ignorieren, moant sie muaß uns missioniern Wer des is – fallts euch ei'? kann nur Pipi Langstrumpf sei!</p>
<p>Kalchmoar hastda des gar denkt, das d`SPÖ si selmb' versenkt. Z'erscht da Kern, der große Schwossa, dann d'Rendi Wagner nu blosssa! Nochad' setzen die Genossen, 20 Kollegen auf d' Strossn. So wearn's bald wia da HC, zack zack zack im Abseits stehn!</p>	<p>In Weichstetten – da Dutzlerwirt Is fast überengagiert! Mit da Sein - kreizfidö, trinkt er selba – viel' und schnell kimmst als Gast recht durschti' an, daun bist dort - saubled dran, is wia Pest und Cholera da Wirt is voll – die Fassl la.</p>
<p>Ban Postlmoar in Aschach drob'm gibt's a neiche Attraktion! Da Koarl und D'Helene goar, hab'm a große Gästeschoar. Und das die net kloana wird, hams in d`Möbi investiert. A foahrat's Bett in da "Hochhuab", da Hausnam' is jetzt Schnaxelgruab.</p>	<p>Da Moucka hat - gaunz frustriert, als Wirt im Rudensaal quitiert! Offensichtli' bringt dem Held, unser Kirta' – z'weng Geld. Da Forsthof - springt – Gott sei Dank, hilfreich ei mit Speis und Trank Liaba Baumi – Ehrenwort - Motschgan tuast genau so guat!</p>
<p>Vom Eichinger Dokta, hamb's dazöht, sei Hund hätt' eam a Haxl gstöht. Dabei fliagt der arme Mann, In die Teekann - vo da Frau! A blaus Aug', a bluatigs G'fries Dazu des Keiffn, von da Lies', vüzvü Straf – kimmt uns vur, d`Lies alloa - wa scho gnua!</p>	<p>Da Schirl Hans wißt's es schon, foahrt a schoarfe Expansion! Kaft von oam aufs andre Joahr, alweil nu' mehr, kimmt da vor. Da Mittern Fredi - frogt si scho, kimmt mei Haus ois nächstes drau. Am Sonntag siachstn salutiern, vor'm Bauern Millionär aus Siarnng.</p>
<p>Die Nachban Bräuer und Buchegger, allsamt stur - ums varrecka! A rauer Wind blast neil'i Blattl, zum Bachner ins Gemüsegartl. Der kehrt zaum und schmeissts - ruck zuck In Buchegger-Goarten zruck. Da schreit die Fritz: Nachbar Bräuer! Es fehl'n zwoa Blattl – des wird teia!</p>	<p>Allerheiligen in Siarnng, kaunnst nur mit Glück an Parkplatz kriang. Wurscht is' des dem Philipp Landerl, spannt jed's Joahr sei Absperrbänder! Und jetzt sperrt sogoar da Sperker, sein Pfarrhof oa' – wia an Kerker. Wauns so weida dat's - es zwoar, Haust's da drob'm bald alloa.</p>

<p>Fürn Halusa – gar net bled die Joagd scho mehr als d´Oarbat zöhlt. Bei da Herbstjodg vorigs Joahr stöht er d´Jaga an – sogoar! Dabei hat sie dann der Wirt, im Mannesberger Holz verirrt Die Traudi sagt - im Wirtshaus drennt, Is'a soweit nu nia net grennt!</p>	<p>Für d´Hofer Gerlinde, siarcht ma glei, wird da Weihnachtsmoarkt – steil. Koa Plakat steht im November, und koane Christbam - im Ständer! daweil wissn d'Leut net, wia des G'schäft ban Stoanalt geht: eana Moarkt rentiert si nur ohne Geldregistratur!</p>
<p>Am Kirta kimmt – fast jeds Jahr, Da Schwendtbauer Reini – sogoar! Jetzt miaßts wissen – dass der Mann, recht gern singt – und taunzn kann. Dazua a Goschn - messerschoarf, Findst net oft in Müchidorf. „Nächsts Joahr hilfst mit deiner Pupp'n Da Micheldorfer Volkstanzgrupp.“</p>	<p>Da Karl Heinz Göschl- wia´s so geht, Schaut als Banker recht aufs Geld. Unlängst zu da Fufz'ga Feier, Woar neamd ei'glandt - sonst was z´teuer. Drum tuat Tanzherrn Rud aus Siagn, dir am Kirta' gratuliern! Da Wirt hat Wein – häufti' gnua, heut' derfst brenna - bis in'd Fruah!</p>
<p>7 Manna aus Hilbern draust, sads aktiv, das'd nur so schaut! Hobt's fleißi' probt und viel studiert, dass a Rud - aus euch wird! Heut sad's kampelt und g'schneizt, A ban G'wand – habt's net geizt. Für an jed'n - zan dakenna, heut sad's es nach uns dö schenan!</p>	